АЖРИМ

(даъво аризасини кўрмасдан қолдириш тўгрисида)

Ромитан тумани

2024 йил 12 феврал

Ромитан туманлараро иктисодий судининг судьяси Н.Зоировнинг раислигида, судья ёрдамчиси Н.Рашидов котиблигида, даъвогар – Ўзбекистон Бухоро Республикаси Савдо-саноат Палатаси вилоят худудий бошкармасининг "WBM ROMITEX" масъулияти чекланган манфаатида жавобгар – «ЖУМАБОБО 2001» фермер хўжалигидан жами 61156628 сўм ундириш тўгрисидаги даъво аризаси юзасидан қўзғатилган ишни даъвогар вакили А.Қаххоров (ишончнома асосида) иштирокида (жавобгар вакили иштирок этмади) Ромитан туманлараро иктисодий суди биносида очиқ суд мажлисида кўриб чиқиб, қуйидагиларни

аниклади:

даъвогар – Ўзбекистон Республикаси Савдо-саноат Палатаси Бухоро вилоят худудий бошқармаси "WBM ROMITEX" масъулияти чекланган жамияти манфаатида иқтисодий судга даъво ариза билан мурожаат қилиб, жавобгар - «ЖУМАБОБО 2001» фермер хўжалигидан 47043560 сўм асосий қарз, 14113068 сўм жарима, жами 61156628 сўм асосий қарзни ундиришни сўраган.

Суд мажлисида иштирок этган даъвогар вакили даъво талабларини қўллаб-қувватлаб, даъво аризасидаги важларни такрорлаб, даъво талабини тўлиқ қаноатлантириб беришни сўради.

Ишни кўриш вақти ва жойи тўғрисида тегишли тартибда хабардор қилинган жавобгар вакил иштирокини таъминламади. Суд, Ўзбекистон Республикаси Иқтисодий-процессуал кодекси 128, 170-моддаларига асосан ишни унинг иштирокисиз кўриш мумкин деб хисоблайди.

Суд, тараф вакилини тинглаб, иш хужжатларини ўрганиб чиқиб, куйидагиларга асосан даъво аризасини кўрмасдан қолдиришни, олдиндан тўланган давлат божи ва почта харажатини даъвогар зиммасига қолдиришни лозим топади.

Суд мухокамасидан аникланишича, жавобгар — «ЖУМАБОБО 2001» фермер хўжалиги 4-2006-2301/212-сонли иктисодий иш бўйича Ромитан туманлараро иктисодий судининг 2023 йил 21 февралдаги хал килув карори билан тўловга кобилиятсиз деб эътироф этилган ва У.Ходжаев "Жумабобо 2001" фермер хўжалигининг суд бошкарувчиси этиб тайинланган.

Ўзбекистон Республикаси "Тўловга қобилиятсизлик тўғрисида"ги Қонунининг 12-моддаси биринчи қисмига кўра, тўловга қобилиятсизлик тартиб-таомиллари қўлланилаётганда барча кредиторларнинг манфаатларини кредиторлар йиғилиши ёки кредиторлар қўмитаси ҳимоя қилади. Суд қарздорга нисбатан тўловга қобилиятсизлик тўғрисида иш қўзғатиш ҳақидаги аризани иш юритишга қабул қилиб олган кундан эътиборан кредиторлар

қарздорга ўз талабларини якка тартибда қаноатлантириш мақсадида мурожаат килишга ҳақли эмас.

Ўзбекистон Республикаси Иқтисодий-процессуал кодекси 107-моддаси 9-бандида жавобгарга нисбатан банкротлик тўғрисида иш қўзғатилган бўлса ва жавобгарга нисбатан такдим этилган талаб қонунга кўра банкротлик тўғрисидаги иш доирасида кўрилиши лозим бўлса, суд даъво аризасини кўрмасдан қолдириши белгиланган.

Демак, мазкур холатда жавобгар — "Жумабобо 2001" фермер хўжалиги банкрот деб эътироф этилганлиги ва жавобгарга нисбатан такдим этилган талаб конунга кўра банкротлик тўгрисидаги иш доирасида кўрилиши лозимлиги сабабли, даъво аризасини кўрмасдан қолдириш, олдиндан тўланган суд харажатлари даъвогар зиммасига қолдириш лозим.

Ўзбекистон Республикаси "Тўловга қобилиятсизлик тўғрисида"ги Қонунининг 12-моддаси, Ўзбекистон Республикаси Иқтисодий процессуал кодексининг 107, 195-196-моддаларини қўллаб суд,

Ажрим килди:

Даъвогар — Ўзбекистон Республикаси Савдо-саноат Палатаси Бухоро вилоят худудий бошқармасининг "WBM ROMITEX" масъулияти чекланган жамияти манфаатида жавобгар - «ЖУМАБОБО 2001» фермер хўжалигидан жами 61156628 сўм ундириш тўғрисидаги даъво аризаси кўрмасдан қолдирилсин.

Олдиндан тўланган почта харажати даъвогар зиммасига қолдирилсин.

Даъвогар - "WBM ROMITEX" масъулияти чекланган жамиятидан Ўзбекистон Республикаси Давлат бюджетига 1223132,56 сўм давлат божи ундирилсин.

Ажрим устидан бир ойлик муддат ичида шу суд орқали Бухоро вилоят судига апелляция тартибида, қонуний кучга киргач, олти ойлик муддат ичида кассация тартибида шикоят бериш мумкин.

Судья Н.Зоиров

